

Lutherus in Corlaui

Inscriptio = uoluntatis de dominio
Vocandi missae p[er] p[er]p[etuum]

Georg 986



Georgs-B.

486

Antwort zwayer Closter frauen
wen im Katheriner Closter zu Augs
spurg/an Bernhart Kemmen/
Vnd hernach seyn ge
gen Antwort.



Esai. xxviii.
Gott ist vnser gesatz geber.
Job. viii.
Die hoffnung ains gleyßners zergat



Dein brüder Bernhart / du hast vnns
gewünscht die rechte erkantnus Jesu
Christi / darumb wir dir dancken / wir
hoffen / wir haben die rechten erkantnuß von
got / got will vns festen vnd bestetten / in dem /
das im von vns ain lob vñ ain gefallen ist. Du
hast vns zwen Sendbrieff geschickt / schick ich
dir wider / wann wir achten dich / für der fal-
schen Propheten ainen / daruor vns Jesu Chri-
sti gewarnet im hayligen Ewangelio / Da er
spricht / Hüttennd euch vor den Propheten / die
da kommen in gestalt der scheflach / vnd seind
reysent wölff. Also bist du auch kōmen mit vil
gütten Worten / vnd woltest vns gern veritren
vnd klainmütig machē. Du darfft nit gedencē
en / das wir so thoret seyen / das wir vnser hoff-
nung ins Closter vnd in vnser werck setzen / sun-
der in got setzen wir vnser hofnung / der ist der
recht herz vnd beloner aller ding / dem wöl wir
gern williglichē im closter dienen / lieber dan
in der welt / mit der gnad vnd hilff gottes / Du
darffst dich ganz nichts kümmern vmb vnser
leib vñ sel / du darffst für vns nit gen himel noch
gen hell faren / got der almechtig / wirt vns al-
le richten an dem jungsten tag / nach seiner ge-
rechtigkeit / das wiß wir alle wol. Darumb ge-
denck nu an dich selb / das du ain gütter Christ

we
ha
ne
wo
S
die
de
tha
spa
gle
clo
me
we
üb
lieb
tru
vil
gil
vo
du
wa
vn
du
da
nic
es v
G

werdest vñ seyest / vnd dās du dein stand recht
haltest / vnd du bey Gottes namen vnd bey sei
ner bitteren marter nit also schwerest / ich wayß
wol das du wol kanst / Vnd am Freytag vnd
Samstag nit flaysch essest. Die ding seynd nit
die leer Jesu Christi / du wilt vns ain agen auß
dem aug ziehen / vñ du hast selb ain grossen
thraum daryn. Ich wayß auch wol / das du ge
sprochen hast / dein dochter vnd ich / weren dir
gleich als mer / in dem Tempel hauß / als in dē
closter / Du soltest dich in dein hertz hinein sche
men / zū gedencken / geschweygen auß zū sprechē
wers von dir hört / kan nit vil gütts gedencken
über dich / da sehen wir wol dein brüderliche
lieb / die du zū vns hast / vñ das du von vns last
trucken / der Būchtrucker gedenckt freylich nit
vil gūts über dich / weñ er dir schon gute wort
gibt / hastu nichts anders künden drucken / weñ
von den gaystlichen was sy thünd vnd seynde
du hettest das gelt wol durch gots willen gebē
warumb hastu nit von dir selbs lassen drucken
vnd deins gleychen / Aber ich wayß wol / das
du vnd deins gleychē recht thünd alweg / vnd
das jr die gaystliche gnüg aufrichtend / es leyt
nichts daran / es wirdt noch ain zeyt kommen /
es wirdt euch layd / wir wöllens mitt der hilff
Gottes gern leyden von seindtwegen / er hatt

auch bitterlich von vnser wegen gelitten/ver-
geb euch got allen/das sey vnser böse red/das
bitter leyden Ihesu Christi druck in dein hertz/
ist dir besser / wenn das hin vnd her gryblen/
du bist nu gern ain gütter gesell vnnnd frölich/
ich wölt dir dein Sendbrieff wol bas verant-
wurten/ich wils aber gott dem herzen entpfel-
hen.Du hast vns empottē / du wöllest schier zū
vns kommen/ wenn du nit von gütter frainde-
schafft zū vns kumpst/so bleyb nu auß/ wilt du
vns nun außrichten / so dürff wir dein ganz
nichts/du darffst vns nichts solliches mer schick-
en/wir werdens nit annemen/wir haben auch
gütten bücher vil.

Hernach volget die antwort
auff disen brieff.

B
E
I
mein
versch
nung
des i
mich
Zū
das
ain
phe
felt
men
hay
go
tig
ala
sun
ex
wi
tig
ij
du

Bernhart dem wünsch seiner
Schwester Katherina/vnd Tochter
Veronica Kemyn/ frid vnd
Gnad in Christo

Ich hab ewer antwurt empfangē/ aber
mit weniger frewd / angesehen / das je
mein schreybē/ in aller Christlicher trew gethō
verschmecht/ vñ mir mit vnwillē mein verma-
nung wider zū hauß geschickt / darzū auß zorn
des ich mich zū euch kains wegs hett versehen/
mich schmehen/ vñ ain falschē prophetē nennē.
Zū wölchen Worten ich nicht hörers sag / dan
das je noch nit wist / oder nit wissen wölt / was
ain falscher Prophet sey / dan ain falscher pro-
phet/ braucht wol güte wort zū betrug der ain
feltigen hertze / die er mit seyn selbs trömen vñ Ziere. 23
menschen leer / arglistigklich ab zeücht von der
haylsamē leer Christi jesu / derē ich (also ist mir Timo. 4.
got ain zeüg) kains gethon hab / sunder ainsal-
tigklich auß Christlicher trew / euch fürgehaltē
als vor augen / mit menschē leer / die verwirren/
sunder gotes leer / zū gaystlichē frid vnd frewd
ewer gewissen / menschen leer zerstört vnd ver-
wirt die hertze / vñ zeücht sy ab vō der warhaf-
tigen / ainseltigen leer Christi vnser haylands
ij. Cor. ij. gleich wie der schlang Quam betrog
durch sein arglistigkait. Mein schreybē an euch

gethon / ist allenthalb offenbar / ich acht auch
es müg kein rechter christ solchs mit grund ver
werffen / Aber jr seind mit ewer Regel vñ men
schen sündlein noch vbel verstrickt / das jr die
augenscheinlich Euangelisch warhait nit mü
gen fassen. Ich bitt aber Christu / er wöll ewer
hertz erleychtē in rechter erkantnuß seiner theū
ren freyhait / die er vns so hart / durch ain ellen
den verschmechten todt erarbeit hat / ich hab
das mein gethon / als ewer brüder in Christo /
Ich kan euch die gnad nitt geben / aber so vil
an mir ist / hab ich treüwe ermanung gethon /
die reit mich noch nit / wie wol jr in bitterkait
ewers hertze gegen mir erzunt seyt. Jr schreybt
ewer hoffnung stand allain in got / das hör ich
gern / vnd bitt got / das er solliche hoffnung in
euch mere. Das aber jr got gern willigklich im
Closter dienē wölt / fürcht ich es stand die sach
vñ euch noch nit so glatt / als jrs machend / dan
ich euch auß Esa. xxix. vñ Math. gnügsamlich
bericht hab / wie got nit wöl geert werden mit
mensen leer vñ sätzung als ich besorg / das jr
noch auff dem alten weg seyt / vnd mit selbs er
dachten wercken got übel erzürnent / die edelen
zeyt schedlich verzeret / vñ euch selbs / on frucht
der lieb / auch on lust vñnd frewd der gewissen
fast ser bemüet / darzu wölt jr nit verston / was
welt hayst. Warlich die weyl wir in der gebre

Esa. 29.
Mat. 15.

chenlich
nen / tra
den / in
sich sum
sündeli
tigklich
tes in v
serthal
Gal. v
ferig v
seyt wa
nit so v
bey vñ
frucht
sich sol
laut m
dem g
wie di
der vñ
müß f
Hie m
was a
sten m
sich n
man
dan C
fült. 2
gebor

chenlichen herberg vnsers tödtlichē leybs wo-
nen/tragen wir die welt alweg mit vns/in wel-
den/in clöstern/vñ wa wir seyen. Was beklagt
sich sunst Paulus so hart / als seines sterplichē
sündlichen leybs/ darin sich die erbsünd gwal-
tiglich erhept/vnd streyt wider den gayst got-
tes in vns tag vnd nacht / im Closter vnd auß-
serhalb dem Closter/als jr habt. Roma. 7. Roma. 7
Galat. v. Darüb secht euch für/ seyt nicht schlaf- Galat. v.
ferig vnd sicher hinder den hohen mauren. Ir
seyt warlich in der welt/vnd ob jr schon ettwo-
nit so vil args sehend/als ich/ so habt jr doch/
bey vnd in euch selbs / die sünd vñnd der sünde
frucht/dan jr seyt nit hailiger dan Paulus der
sich sollichs auch beklagt hatt zu meermal / es
laut nit wol ewer schreybē an dem ort/es stünd
dem gleyßner baß an. Luce. xviii. Der nit was Luce. 18.
wie die andern/auch begert jr/ich sol mich we-
der vmb ewer leyb noch seel fast kümmern/ich
muß für euch weder gen hymel noch gen hell.
Hie merck ich aber/das jr layder noch nit wist
was ain Christlichs lebē ist/ vñ was ains Chri-
sten menschen ampt ist/dan jr vermaint es soll
sich nyemands des andern annemen/vñ yeder
man sein selbs allain gewar nemen/wa bleybt
dan Christlich trew vnd liebe/die alle gebot er
fült. Ro. xiiij. Bin ich doch schuldig auß gotes Rom. 13
gebot euch als meinē neben menschen zu war-

nen vnd zu gutem ermanē / ob jr mir schon nie
 leylich gefraint werend / als jr lest Mat. xviii
Mat. 18. Wan ich mich ewers lebens vnd hayls nit soll
 annemen / wa beleybt der Artickel / Gemains
 schafft der hailgen / darin wir lernen / wie gute
 vn vbel im geystliche corper Christi zu gleich
 alle glyder berürt / dz sich ains mit des andern
 glück frewdt / vnd mit dem traurenden traurt
 das sich ains des andern in aller not annympt
 als wer es selbs / das ander. Also will got das ai
Galat. 6. ner dem andern helf sein burde tragen Gal. vi
 Die liebe ist nit aygennützig / das sy allain das
 jr suche / sunder nympt sich des andern an / vnd
 ist seinē nechste / wie Christus vns ist / als Pau.
philip. 2. Philip. ij. lert / vnd i. Corin. xiiij. Darzu zwingt
i. Cor. 13. mich auch das natürlich gsatz / dann wa ich in
 geferlichait meins leibs oder seel were / begerte
 ich hilff / rat / ermanung / vnd beystand meyns
 nechsten / des gleichē bin ich jms auch schuldig
 wie kan die hand sagen / das sy des augns nit be
i. Cor. 13. dürff / oder seyt jr witziger dan Pau. i. Cor. xiiij
 Da er anzaygt durch gleychnuß ains natürli
 chen leybs / mitt was band wir glyder Christi
Rom. 15 vnder ainander verknypfft seynd. Paulus be
Ephe. 6. gert allenthalb / fürbit vn fürsorg der frumen
Philip. 1. menschen / vn jr verzeicht euch ains armen sin
i. Theff. 5 ders gebet / vnd vetterlicher sorg / als ob jr für
2. Theff. 3 euch selbs gnügsam seyen zu allem guten / aber
Hebr. 13.

ewer
 sünd
 leyde
 vil g
 ben
 fare
 geb
 sech
 mein
 hen
 sünd
 zorn
 vnd
 bitte
 lert
 sorg
 tag
 dan
 bitte
 so w
 dan
 jr ew
 Wi
 ich f
 hay
 jr m
 soll
 däch

ewer red laßt sich mercken nach Closter art / jr
sündert euch darumb ab / das jr mit yedermäs
leyden vnd nott vn bekümmert / für euch allain
vil grosser verdienst zamen samle. Nit also lie
ben schwestern / Es laßt sich nit also gen hymel
faren / das sich ain yeder seyns nechsten not vn
gebresten entschlach vnd auff sich selbs allain
sech / liebe laßt sich nit also binden / ob aber jr
mein arms fürbit verschmecht / müß ich gesche
hen lassen. Ich beken laider / das ich ain armer
sünder bin / aber ich soll darumb / vmb einwers
zorns willen / das Vatter vnser nit verendern
vnd für mich selbs allain bitten / sunder auch
bitten für meine tods feynd / als mich Christus
leret Matth. v. Schlacht jr aller menschen für /
sorg für euch auß / so versteet jr noch heüt bey /
tag / die Euangelisch leer nit. Nympt jr aber zu
danc an / was ander leüt für euch sorgen / vnd
bitten / aber verwerft allain mein arms gebet
so wandeln jr nit recht nach dem Euangelion
dan es wer ain hoffertige vermessenheit / wan
jr ewern mitbrüder so schmachlich verwurffe
Wie dem allem / es sey euch lieb oder nit / so sorg
ich für euch / vnd will gott allweg bitten vmb
hayl ewers leybs vn der seel. Weytter erman
te jr mich / das ich an mich selbs sech / vn recht leb
sollich trew ermanung nym ich an zu grossen
däck / dan ich beken mein vnuolkömlichkeit wol

Matth. 5.

B

hön nit
at. xviii
s nit soll
semains
vie güts
ü gleich
andern
n traurt
n nympt
ot das ai
Gal. vi
lain das
an / vnd
ls Pau.
i zwingt
va ich in
begerte
d meyns
schuldig
gs nit be
Cor. xiii
natürlic
Christi
ulus be
frümen
men sün
ob jr für
ten / aber

kan aber darüb nit aufhörē für euch auch sorg
zü tragen. Des schwerēs halb/fürcht ich/ir last
euch den zorn zū ainē freuelichen vrtayl treybē
dann es mir nit bewüß/ das ich sollicher weyß
geredt hab/ wie ir schreybt / doch nempt mein
ermanüg/ als trewlich an/ als ich die ewern/ so
wöll wir wol zū frydē sein. Tu hebt ir mir auf
wie ich Freytag vñ sampstag soll flaisch essen/
yetz will ich ston lassen / das ir vber ain vnbe-
kante sach freuelich vrtaylē/ Aber ewern irzigē
won müß ich tractiern/ Ir maint am Freytag
flaisch essen sey ain hefftige todtsünd. Ich frag
euch was sünd ist es/ am freytag vñ sampstag
menschen flaysch essen. Gebt antwort/ wer die
leit veracht vñ sy vrtailt/ ir eer befleckt/ dz ist
menschen flaisch essen. In sag ich nit dz jr men-
schen flaisch esset/ aber jr soltet mich ermät ha-
ben/ dz ich frainlich wer/ wie jr/ niemants sein
eer abschnite/ so kompt jr ich sol mit kü od kalb
flaisch essen. Diuweyl jr meins ermanēs so gar
nit bedürft/ vñ selbs alle ding wisset/ Sagt an
wa verbeit vns die hailig schrifft flaisch zū esse
Tit. . 1. mit danck sagüg: wen sagt irs / spricht nit pau-
Mat. 15. dē rainē seyē alle ding rain/ vñ Mat. xv. w3 zū
mund eingeet befleckt den menschē nit/ wen nu
die schrifft flaisch essen nit verbüt/ warüb mach
et jr ain todtsünd/ da kainē ist/ wen ich yetz auch
zünen wölt/ wie jr/ so möcht ich sagē/ jr erhebt
euch vber got/ dan jr setz ain gebott der armē

Tit. . 1.
Mat. 15.

seel.
kai.
flai.
wa.
gle.
zü e.
sech.
da.
we.
sch.
den.
fre.
den.
me.
un.
au.
de.
eu.
tra.
be.
eu.
m.
sa.
w.
v.
fer.
n.
sü.
d.

seel/vñ macht sünd dā got kein gebot setz vnd
kein sünd zūschreybt. sagt mir noch ains/wen
fleisch vermeydē am freytag gottes gebot ist/
warlich so solt mans halten durch vnd durch/
gleich wie dz gebot/stil nit/vñ kein mēsch hats
zū erlaubē vnd got sein gebot auff zūhebē. Tu
secht jr das man fleisch essen vñ gelt erlaube/
darauf güt zūernemen/ ob gleich kein schrift
wer/das es nit ain gots gebot/sunder ain men
schen gebot ist. Tu seyn wir durch Christū vō
den elementē diser welt erlöset/ vñ in chüstliche
freyhait gesetzt/vñ herren vber speyß/tag/klay
der/vñ alles eüsserlichs/darumb sollen wir nit
mee/der menschē knecht/dz ist mit menschē saz
ung in der gewisni gefangen werdē/es sol vns
auch niemants das zil verrucken/vñ jr thūt wi
der den hailigen gayst/der Colo. ij. sagt. Laßt
euch niemands ain gewissen machē vber speyß
tranc̄/tag zc. Wan jr dem euāgelio so vil glau
ben gebent als menschlichē satzungen/ hettē jr
euch diser klag gegen mir wol enthalten/seyte
malich nit wider got thū/ob ich schon auß vz
sach fleisch esse od̄ vīsch. Seyt jr nit in der welt
wa her kōmend euch dan̄ solche weltliche wort
vnd gebot/ die dem gayst stracks widerwertig
seind. Hernach zaigt jr mir ain balcken in mei
nē augē/ich hab mich doch vor oft bekēnt ain
sünder/wölche aber vnder euch kein sünd hab/
die werf ain stain an mich. Der nachgendē red

Coloss. 2.
1. Cor. 7.
Marc. 2.

Coloss. 2.

halb vō Tempel hauß/ ist nitt vil fests zū ma-
chen/ Ich acht auch/ jr soltend ain offnen sün-
der nit so gar verwerffen/ die weil gotes vrtail
verborngen seynd/ wer heütt fellt / stat villeycht
Luce. 18. morn wider auf. Ich wolt dannocht lieber an
des offnen sünders stat sein Luce. xviii. der vor
der welt wol so veracht wz/ als aine im tempel
hauß/ als an des gleyßner stat/ dan secht wie er
ain gnedigen gott hett/ vnd der auffgeblasen
gleyßner/ der in als ain hund verachtet/ ward
vor gott verworffen / jr soltend an den spruch
Mat. 21. Math. xxi. gedencken/ warlich ich sag euch das
die offnen sündler/ vñ thozlichen weyber werde
euch vorgeen/ ins reych der hymel/ wenn jr hie
dem wort gotts glaubt/ so werden jr mir mein
red nit so hoch anziehē/ ich will euch dannocht
ains nit verhaltē/ Es stat bas gegen gott vñ
ain offenlichen sündler/ Der aber sein ellend vñ
presten sicht/ vnd sich der gnad gottes nottürf-
tig bekent/ dan vmb ain sollichen gleyßner/ der
für erbar vor der welt angesehen ist/ vñ in seyn
güte werck ain vertrauen machen/ das er sich
für frum helt/ vnd ain armen sündler neben in
veracht/ vnd laßt euch dise red nit selzam seyn
Luce. 17. jr schon alles thünd/ was zuthün ist/ so achtend
euch dannocht vnnütz dienerin vor Gott / ich
sags euch/ wir müssen vnser werck vñ leben mit

hoch
Gott
nach
leyde
in eu
als o
auffe
flays
ain h
Wo
flaisc
noch
flays
so w
hen/
das s
gay
schu
allen
echt
weñ
wöl
müs
umb
sy ex
hett
antv

hoch auff blasen vnd vil von vns selbs halten
Gott ist der gleyßnerrey gar feyndt. Bald her Job. 8.
nach neint jr euch gaystlich/ Das mag ich wol
leyden/ denn jr villeycht/ die anfang des gaysts
in euch habt Ro. viii. Aber es last sich ansehen
als ob jr in ewer selbs vergleychung gegē vns

Roma. 8

aufferhalb der Clöster habē geret/ als ob wir
flayschlich vnd jr gaystlich seyt/ das wer aber
ain hoffart die der Christlich glaub nit erleyt.
Wolan seyt jr gaystlich/ so wöllē wir vns gern
flayschlich bekennē/ dan layder alzu vil flayschs
noch in vns ist/ hat sich selbs Paulus Ro. vii. Roma. 7.
flayschlich dürffen nennē/ der so vol gnad was
so wöllē wir billich den namen auch nit scheü
hen/ sunder got vmb sein gayst bitten/ der vns
das sündig flaysch ertödt. Sey oder nenne sich
gaystlich wer da wöll/ ich sich wol/ das vns die
schrift flayschlich neint/ der glaub ich baß denn
allen menschen/ haylgen vnd engeln im hymel.

¶ Zu lest begett jr euch willigtlich in durch
echtüg/ gleich als ob es ain durchechtüg hayß
wen man euch mit schrift fraintlich ermant. D
wölt jr dem leydē christi gleichförmig werdē/ so
müß ir anders leyden/ seyt ir nit in d welt/ war
umb beyssen euch den die wort gotes so vbel/ so
sy ewer leben ain wenig antasten. Ich wölt ir
hetten alle kunst braucht auf mein brief wol zu
antworten/ ir antwort aber nu zornige wort/

B iii

es lat sich die lautteren schriffe nitt so leychtlich
verantwortē/nempt all ewere bücher vñ gebt
grundliche antwort seyt ir so gelert. Ir wölt
auch kain schriffe oder ermanüg mer von mir
annemē/da sich ich aber das ir zornig seyt/wer
zorn vnd neyd hat/der ist noch in der welt/ Ir
habt zorn in euch/ darüb seyt ir der wellt noch
nit errennē. Das ir aber vil bücher habt/ gib
ich zū/aber ich bit euch/lest das einig büch die
Bibel/mit fleyß vnd gots forcht/ vnd lönd die
andern vil bücher faren / so werdt ir darnach
wol sehē/ auß was grund ich euch zū geschrybē
hab/ vnd mich kain falschen prophete mer nen
nen/ Ir wert ewer selbs gelassenhait lernē/ay
gen güttbeduncken faren lassen/ vnd auch des
aller grösten sünders sorg vñ gebet für euch nit
verachtē/wie ir mir thon habt/wolan ich will
euchs als zū güte nemē/zū beschluß/zürnet/aber
sündet nit/ laßt die sunnen nit vber ewern zorn
nider gon/ Psalm. 4. Ephe. iij. Vnd laßt euch
ain sündler vñ flaischliche auß christlicher trew
ains gesagt haben. Es sey den/das ir ewer lebē
nach dem wort gotts richten/ das allain vnser
liecht vñ Regel ist götlich zū leben/ vnd mens
schen leer lassen ligen / So will ich lieber mit
dem offen sündler im tempel Luce. xviii. flaisch
lich genēnt werden / dann mit euch vnd ewers
gleichē/ gaysflich sein. Darbey wünsch ich euch

aber
dz de
schre
das p
ans
den
wer
gley
auff
mit
kauf
gar
nat
die
dur
cher
sole
gen
wō
yeb
ma
ern
wi
des
Di
Da
br

aber ain mal/rechte erkantnuß Ihesu Christi/
dz der gayst der lebendig macht / in ewer hertz
schreyb/die vberschwencklich güthet Christi/
das jr wyßt warumb er in menschlicher natur/
anß Creutz gehefft sey/wan jr das wißt/ so wer
den menschen findlein vñ vertraw auff aygne
werck/ kuttten/ Closter/ speyß meyden / vnd der
gleych gar bald abfallen/ es will gar ernstlich
auff sehen haben/ das man hie sich nit vermeh
mit gaystlicher Symoney die Gottes gnad zu
kauffen/wer oren hab zu hören der hör. Es ist
gar ain haimlich laster/ tyeff in vnser sündige
natur eingewurzelt. Solliche vermessenheit/
die alweg vermaynt gott für zu kommen/ vnd
durch ire aygne werck/ ain gnedigē got zu ma
chen / es mag sich der mensch herauß mit müe
solches gotlosen yrsals erwerben/ will geschwei
gen in Clöstern/da vil vñ mancherlay selbs er
wölte werck mit feynē glantz der hailigkeit ge
yebt werden/ vnd ist als/ Auen vñ Amal/ man
mach darauß was man wöll / Aber leset mitt
ernstlichem auffmercken den v. vñ xiiij. Psalmē
wie in Paulus Roma. iij. einfiert/ auff das ir
dester leychter müge menschen werck erkennen
Die gnad Gottes sey mitt euch allen / Amen.
Datum Freytags den Aylfften tag Septem
bris/ Im M.D.xxiij. Jar/ in Augspurg.


Faint, illegible text, likely bleed-through from the reverse side of the page.



inf. ...
a ad loca ...
as illuc ...
sp. ...
an. ...

Hic ...
nom. ...
vale ...
feruus ...
et ad ...





Adversus arm.
tum. p. m.
Kochlein.

986

Georgs-B.



o o
Aduersus
Cocleium

Georg 988



3A

Antwort zwayer Closter frau
wen im Katheriner Closter zu Augs
spurg/an Bernhart Xemen/
Vnd hernach seyn ges
gen Antwort.



Dieh

